

## Վահրամ Լալայան

### ՊԱՏԿԵՐԻ ԵՎ ՆՄԱՆՈՒԹՅԱՆ ԽՆԴԻՐԸ «ՄԱՏԵԱՆ ՈՐԲԵՐԳՈՒԹԵԱՆ» ՄԵՋ ԸՍՏ ՊԱՏՐԻԱՐՔ ՅԱԿՈԲ ՆԱԼՅԱՆԻ

**Բանալի բառեր** - պատկեր, նմանություն, առաքինություն, հոգի, Աստված, անձ, անհատ, բնություն, խորհրդաբանություն, ազատություն:

Եթե մարդու մարմինը Մայր երկրի հարազատ զավակն է<sup>1</sup> ու արտաքին զգայաբաններով ճանաչելի, ապա հոգին «ընտանի» լինելով Աստծուն (քանզի «Յոգի է Աստուած»՝ ըստ Յովհ. դ-24-ի) հոգևոր ճանաչողության կարիք ունի:

**«Որ արարեր զիս ի Քո պատկեր պանծալի»** Բան Ե (բ-12): Եւ սա ոչ միայն առաջին, այլև «երկրորդ արարչության» խորհրդական իրողություն է ու առնչվում է անձի ինքնաճանաչողական կարողության հետ: Վերջինս էլ բխում է աստվածաճանաչողությունից, քանի որ մարդն արարվել էր Աստծո պատկերով ու նմանությամբ (հմմտ. «Ծննդոց» Ա-26): Ըստ Գրիգոր Նյուսացու՝ Յայտնության մեջ խոսվում է Աստծո մասին, որպեսզի հետո մարդու մեջ հայտնաբերվի այն, ինչ համապատասխանում է Աստծո պատկերին<sup>2</sup>: Խորհրդաբանության տեսաբան Վ.Լոսսկու կարծիքով սա մարդաբանության ոլորտում աստվածաբանական մեթոդի (եղանակի) կիրարկումն է<sup>3</sup>:

Ըստ Նայյանի՝ Բարսեղ Կեսարացին որպես Աստծո պատկեր հասկանում է բանականությունը, իսկ որպես նմանություն՝ առաքինությունը<sup>4</sup>: Գրիգոր Տաթևացու «Աստծո պատկերի» երեսուն կետերի մեջ բանականությունը ժգ-ն է<sup>5</sup>, իսկ առաքինությունը, որպես Աստծո նմանություն, ներկայացվում է սրբության և արդարության հետ<sup>6</sup>:

Մեղքի դեպքում պատկերը չի եղծվում, այլ միայն՝ նմանությունը, և երբ ասվում է, որ մարդը պատվի մեջ էր ու չիմացավ, այլ նմանվեց անբան անասունների (հմմտ. Սաղմ ԽԸ-21), պետք է հասկանալ ըստ նմանության, քանի որ մեղանչելով՝ նա չի կորցնում իմացականությունը, սակայն զրկվում է Աստծո նմանությունից<sup>7</sup>: Ըստ Նայյանի՝ ավելի ճիշտ է գործածել «Աստծո պատկերի նմանություն» արտահայտությունը, քանզի Յոր պատկերը միայն Որդին է, իսկ Յոր պատկերի նմանը՝ մարդը<sup>8</sup>, «որովհետև նրանց, որ առաջուց գիտեր, նախասահմանեց կերպարանակից լինելու

<sup>1</sup> Տե՛ս «Յիսուս Թրիստոսի խաղաղության ավետարան՝ գրի առնված Յովհաննես առաքյալի կողմից», «Գարուն», 1994, 10 (հոկտ.), էջ 71:

<sup>2</sup> Տե՛ս Владимир Лосский, Боговидение, Москва, 2003, էջ 198:

<sup>3</sup> Տե՛ս նույն տեղում:

<sup>4</sup> Տե՛ս Պատրիարք Յակոբ Նալեան, Գիրք մեկնութեան արօթից սրբոյն Գրիգորի Նարեկացւոյ, հրեշտակական վարդապետին (այսուհետև՝ Նալեան), Կոնստանդնուպոլիս բաղաբի, յամի տեառն 1745 դեկտեմբերի Իր Յայոց ոճղո, էջ ծբ:

<sup>5</sup> Տե՛ս Գրիգոր Տաթևացի, Գիրք Յարցմանց, էջ միբ:

<sup>6</sup> Տե՛ս նույն տեղում, էջ 273:

<sup>7</sup> Տե՛ս Նալեան, էջ 52:

<sup>8</sup> Տե՛ս նույն տեղում:

Իր Որդու պատկերին...» (Յոն., Ը-29): Ըստ Գրիգոր Լուսավորչի՝ արարչության ժամանակ մարդու ձևն Աստծո կողմից արդեն ուրվագծվել էր, որն Աստծո Որդին առնելու էր ժամանակներ հետո, և այդ պատկերով ստեղծվեց մարդը<sup>1</sup>: Ս. Գիրքը չի բացատրում, թե ի՞նչ է Աստծո պատկերը, սակայն մարդու արարումը դիտում է որպես առանձնահատուկ գործողություն՝ տարբեր մյուսներից<sup>2</sup>: Ինչպես հրեշտակները (Իսահակ Ասորու բնորոշմամբ) արարվեցին «լուռության մեջ», այնպես էլ մարդը՝ չստեղծվեց հրամանով, այլ Աստված անձամբ, հողից՝ սեփական ձեռքերով արարեց նրան<sup>3</sup>: «Սեփական ձեռքերը», ըստ Իրենիոս Լուզդոնացու, Բանը և Ս. Յոզին են<sup>4</sup>: Եվ Յայր Աստված Իր «Ձեռքերով» գրկելով զղջմամբ և խոստովանությամբ Տուն վերադարձած «անառակ որդուն»՝ երկրորդ ծննդյան տոնախմբություն է կատարում և նրան զգեստավորում արթայական հանդերձներով՝ Իր Պատկերի նմանությամբ:

Եկեղեցու վարդապետները, ըստ Նայյանի, Աստծո «պատկերանմանությանը» վեց հատկանիշներ են վերագրել՝ ա. Ըստ Օգոստինոսի՝ Աստծո պատկերը Մարդկային հոգու անմարմին և անհատական լինելն է<sup>5</sup>: Յոգու անմարմին լինելը, որպես Աստծո պատկերի ընկալում, համապատասխանում է Տաթևացու երրորդ կետին<sup>6</sup>: բ. Ըստ Որոգինեսի՝ հավիտենական ու անմահ լինելն է<sup>7</sup>: Յոգու անմահ լինելը Տաթևացու «շարքում» դ կետն է<sup>8</sup>: գ. Ըստ Յովհան Դամասկացու՝ Աստծո պատկերը մարդկային հոգու իմացականությամբ, կամքով և հիշողությամբ զարդարված լինելն է<sup>9</sup>: Իմացություն և կամք ունենալն արժարծվում է Տաթևացու գ կետում<sup>10</sup>: Այսինքն, ինչպես Աստված ունի միտք, իմացություն և կամք, այնպես էլ մարդը<sup>11</sup>: դ. Ըստ Ամբրոսիոս Մեդիոլանեցու՝ Աստծո պատկերը և նմանությունն ինքնիշխանությունն է<sup>12</sup>: Ըստ Տաթևացու՝ ինչպես Աստված է անձնիշխան և ինքնակալ, նույնպես էլ մարդը<sup>13</sup>: ե. Ըստ Գրիգոր Նյուսացու՝ մարդն Աստծո պատկերն է, քանի որ ընդունակ է իմաստության, առաքինության, երանության, բարության, աստվածատեսության, Աստծո շնորհների ընկալման<sup>14</sup>: Իմաստությունը, որպես Աստծո պատկեր, Տաթևացու երեսուն կետերի շարքում ժե-ն է (17-րդը)՝ «զի իմաստուն է»<sup>15</sup>, իսկ բարությունը (ավելի շատ որպես նմանություն)՝ իթ-ն (29-րդը)՝ «բարի եւ բարեսեր է Աստուած, նոյնպես եւ զմարդն բարի եւ բարեսեր ստեղծ»<sup>16</sup>: Երանությանն ու առաքինությանը Տաթևացին անդրադառնում է թագավորի պատկերի ներկայացման ժամանակ՝

<sup>1</sup> Տե՛ս Գրիգոր Տաթևացի «Գիրք Յարցմանց», էջ միք (իե):

<sup>2</sup> Տե՛ս В. Лосский, ևշվ. աշխ., էջ 201:

<sup>3</sup> Տե՛ս նույն տեղում, էջ 199:

<sup>4</sup> Տե՛ս նույն տեղում:

<sup>5</sup> Տե՛ս Նայեան, էջ 52:

<sup>6</sup> Տե՛ս Գրիգոր Տաթևացի, «Գիրք Յարցմանց», էջ 271:

<sup>7</sup> Տե՛ս Նայեան, էջ 52:

<sup>8</sup> Տե՛ս Գրիգոր Տաթևացի, նույն տեղում:

<sup>9</sup> Տե՛ս Նայեան, էջ 52:

<sup>10</sup> Տե՛ս Գրիգոր Տաթևացի, նույն տեղում:

<sup>11</sup> Տե՛ս նույն տեղում:

<sup>12</sup> Տե՛ս Նայեան, էջ 52:

<sup>13</sup> Տե՛ս Գրիգոր Տաթևացի, նույն տեղում:

<sup>14</sup> Տե՛ս Նայեան, էջ 52: Ըստ Նյուսացու, Աստծո պատկերով ստեղծված լինելը մարդու աստվածանմանության երաշխիքն է, որի նախապայմանը Աստծուն բնորոշ ազատությունն է, տե՛ս Յ. Զեոսեյան, Եկեղեցու հայրեր, վարդապետներ, (IV-VIII դդ.), Երևան, 2007, էջ 128:

<sup>15</sup> Գրիգոր Տաթևացի, Գիրք Յարցմանց, էջ միք:

<sup>16</sup> Նույն տեղում:

արքայական ծիրանու և գավազանի «խորհուրդը» մեկնելիս. «փոխանակ ծիրանույն՝ գառաքինություն զգեցոյց..., փոխանակ գաւազանին՝ անմահ երանութեամբ հաստատեաց»<sup>1</sup>: Միաժամանակ նա առաքիւնությունը սրբության և արդարության հետ Աստծո նմանություն է համարում. «այլ սրբութեամբ, արդարութեամբ եւ առաքիւնութեամբ նման եմք Աստուծոյ»<sup>2</sup>: Ընորհը որպէս Աստծո պատկեր, Տաթևացին ներկայացնում է «բնականի» և «փառքի» հետ, իսկ բացատրության մեջ պատկերի նմանություն «տեսնում» կատարյալ աստվածանաչողությունը և առ Աստված սերը. «գ կերպիւ մարդն իմանի պատկեր, այսինքն բնական, շնորհաց և փառաց... իսկ պատկեր շնորհաց և փառաց է՝ կատարելապէս ճանաչել եւ սիրել զԱստուած, եւ այս է նմանութիւն, զոր կատարեալքն ունին»<sup>3</sup>: Նայյանը պատկերի և նմանության հարցը քննելիս շոշափում է նաև Հովհան Ոսկեբերանի տեսակետը՝ բուսական և կենդանական աշխարհների նկատմամբ իշխանական լինելը<sup>4</sup>: Վերջինս համապատասխանում է Տաթևացու «շարքի» բ կետին. «Աստուած տեր է եւ իշխան եւ ինքնակալ արարածոց եւ զամենայն երեւելիս հնազանդ և ծառայ արար մարդոյն»<sup>5</sup>, իսկ թագավորի «պատկերի» մեջ՝ կոշիկների խորհրդին. «Եւ փոխանակ կոշկաց՝ զամենայն ինչ հնազանդ արար ի ներքոյ ոտից սորա»<sup>6</sup>: Ըստ Նայյանի՝ հոգին պատկեր և օրինակ է Ս. Երրորդության, ըստ Մարդու հոգեբանական արտահայտչամիջոցների՝ մտքի, բանի (կամ խոսքի) և հիշողության<sup>7</sup>: «Մարդկային երրորդությանը» Տաթևացին անդրադառնում է գ, է և ը կետերում. «ի յԱստուած է միտք եւ իմացումն եւ կամք, ունի եւ մարդս զայսոսիկ»<sup>8</sup>(գ), «Երրորդութիւն է Աստուած. Հայր Որդի և Հոգի Սուրբ, այսպէս ի մարդն՝ միտքն, բանն, հոգին՝ ըստ Եզնկացոյ Պլուզ վարդապետին»<sup>9</sup>(է) և «Գ անձինք կատարեալք եւ թէ մինն պակասիցէ՝ ոչ է կատարեալ Աստուած, եւ մարդս երրորդութեամբ է կատարեալ՝ հոգւով եւ մարմնով եւ բանիւ, եւ թէ մինն պակասիցէ՝ անկատար է մարդն,- ասէ վարդապետն Վարդան»<sup>10</sup>(ը):

Խոսելով հոգու մասին ս. Գրիգոր Աստվածաբանը այն «ներկայացնում է» որպէս Աստծո «շունչ», որ երկնային լինելով՝ «համբերում է» հողի հետ միախառնմանը, թեև քարայրում բանտարկված լույս, սակայն աստվածային ու անմար<sup>11</sup>: Տառացի հասկանալով այս բառերի իմաստը, ըստ Վ. Լոսսկու, կարելի է «պատկերացնել» հոգու անստեղծ բնույթը և մարդու մեջ տեսնել ոմն աստծու՝ մարմնական բնությամբ ծանրաբեռնված, կամ ծայրահեղ դեպքում նրա մեջ տեսնել Աստծո և կենդանու մի ինչ որ խառնուրդի<sup>12</sup>: Մարդու, որպէս Աստծո պատկերի այսպիսի մեկնաբանությունը հակասում է քրիստոնեական ուսմունքին, որը մարդու մեջ տեսնում է մի էակի, որ կոչված է Աստծո հետ միավորման և, ըստ շնորհի՝ աստվածացման, բայց ոչ երբեք

<sup>1</sup> Նույն տեղում, էջ մհա-271:

<sup>2</sup> Նույն տեղում, էջ 273:

<sup>3</sup> Նույն տեղում, էջ 273-միդ:

<sup>4</sup> Տե՛ս Նայեան, էջ 52:

<sup>5</sup> Տե՛ս Գրիգոր Տաթևացի, Գիրք Հարցմանց, էջ 271:

<sup>6</sup> Նույն տեղում: «Պատկերի և նմանության» մասին տե՛ս նաև Ա. Դիլանյան, Հոգեհանգստի խորհրդաբանությունը, Երևան, 2011, էջ 70-74:

<sup>7</sup> Տե՛ս Նայեան, էջ 312:

<sup>8</sup> Գրիգոր Տաթևացի, Գիրք Հարցմանց, էջ 271:

<sup>9</sup> Նույն տեղում:

<sup>10</sup> Նույն տեղում:

<sup>11</sup> Տե՛ս В. Лосский, կշվ. աշխ., էջ 200:

<sup>12</sup> Տե՛ս Նույն տեղում:

Աստծու, հակառակ դեպքում Ադամը չէր կարող մեղք գործել, և Ադամի մեջ մեղք կգործեր ինքն Աստված<sup>1</sup>:

Մակար Եգիպտացուն վերագրված հոգևոր գրույցների մեջ Աստծո պատկերը ներկայացվում է երկու տեսանկյունից, որոնցից առաջինը մարդու ձևական (կամ պաշտոնական) ազատությունն է՝ կամքի ազատությունը կամ ընտրության ազատությունը, որը չէր կարող անհետանալ մեղքով, երկրորդը «երկնային պատկերն է», որի գործությամբ մարդ արարածը մինչ մեղսանկումը զգեստավորվել էր Ս. Յոզով և Բանով<sup>2</sup>: Սակայն Աստծո պատկերի «բացահայտման» գործում ազատության դերը մշուշոտ կմնա, եթե չհստակեցվեն մարդու կազմության (աստվածաբանական առումով) «զլխավոր գոյերի միջև առկա փոխհարաբերության բնույթը: Մարդն, ինչպես Աստված, անձի և բնության միավորում է: Եւ նրա մարմինն ու հոգին այնպիսի անճառելի փոխներթափանցվածությամբ են կապակցված իրար, որ մի բնություն են կազմում, չհաշված դեռ այն, որ մարդ ասելով հոգեմարմնական միավորյալ մի էություն է ի նկատի առնվում, որը սակայն զատորոշվում է մարդու անձից, կամ նրա անձնավորված ինքնությունից: Վ. Լոսսկու բնորոշմամբ՝ բնության և անձի տարբերակումը մարդու մեջ ավելի հեշտ ընկալելի չէ, քան Աստծո մի բնության և երեք անձի նույնօրինակ ըմբռնումը<sup>3</sup>: Ինչպես Ս. Երրորդության երեք դեմքերը կամ անձերը, աստվածային բնության մասերը չեն, այնպես էլ մարդու անձը իր բնության մասը չէ<sup>4</sup>:

Յաճախ անձն ու անհատը ընկալվում են գրեթե որպես հոմանիշներ, մինչդեռ իրենց ճշգրիտ իմաստով (նրանք) ունեն հակառակ նշանակություն<sup>5</sup>: Անհատ նշանակում է անձի և ընդհանուր բնության տարրերի մի խառնուրդ, անձը՝ ընդհակառակը, զատված է բնությունից<sup>6</sup>: Մարդը, գործելով իր բնության հատկանիշների գործությամբ, իր «բնավորության ուժով», ավելի քիչ է «անձնային», նա ինքնահաստատվում է որպես անհատ՝ իբրև իր բնության սեփականատեր, որ նա հակադրում է այլոց բնություններին որպես իր «ես», և դա անձի և բնության միախառնումն է<sup>7</sup>: Ընկած մարդկային բնությանը բնորոշ այս միախառնումը Արևելյան Եկեղեցու ճգնավորական գրականության մեջ բնորոշվում է *autotho filantia* (ավտոտես ֆիլանտիա) կամ «ինքնություն» (ռուս.՝ «самость») դարձվածով, ընդ որում այս եզրույթի ճշմարիտ իմաստը «եզոիզմը» կամ եասսիրությունը, չի հաղորդում, - ավելացնում է Վ. Լոսսկին<sup>8</sup>: Սակայն անձը ազատ է իր բնությունից կամ իր բնության տիրապետությունից և մարդու անձնավորական «դիմագիծը» կարող է «բացահայտվել» միայն սեփական կամքից հրաժարվելու պարագայում, որը նրան «պայմանավորում է» ու ստրկացնում բնական անհրաժեշտությանը (այս իրավիճակում է կեցությունը որոշում գիտակցությունը), քանզի անհատականը, ինքնահաստատման ձգտումը, երբ անձը միախառնվում է բնությանը և կորցնում իր ճշմարիտ ազատությունը, պիտի վերանա, որպեսզի ներդաշնակություն հաստատվի և աստվածային կարգավորությունը

<sup>1</sup> Տե՛ս նույն տեղում:

<sup>2</sup> Տե՛ս նույն տեղում, էջ 199:

<sup>3</sup> Տե՛ս նույն տեղում, էջ 203:

<sup>4</sup> Տե՛ս նույն տեղում:

<sup>5</sup> Տե՛ս նույն տեղում:

<sup>6</sup> Տե՛ս նույն տեղում, էջ 203-204:

<sup>7</sup> Տե՛ս նույն տեղում, էջ 204:

<sup>8</sup> Տե՛ս նույն տեղում:

մարդու ներքնաշխարհում անխախտ մնա<sup>1</sup>: Եվ սրանում է ճգնության հիմնական սկզբունքը՝ կամավոր հրաժարումը սեփական կամքից, անհատական ազատության երևութականությունից, որպեսզի վերստին ձեռք բերվի ճշմարիտ ազատությունը՝ յուրաքանչյուր մարդու բնորոշ անձի ազատությունը, որ Աստծո պատկերն է<sup>2</sup>:

Այսուհանդերձ, Աստծո պատկերը մարդու մեջ, ըստ Գրիգոր Նյուսացու, անճանաչելի է, քանզի արտացոլելով իր նախապատկերի ամբողջականությունն ու բազմերանգությունը, ինքը ևս պետք է օժտված լինի նրա անճանաչելիությամբ, որի համար անհնար է ճշմարտապես բնութագրել, թե ինչն է մարդու մեջ կազմում Աստծո պատկերը<sup>3</sup>:

Որդեգրության հոգով աղոթարարությունը, ապաշխարությունն ու ս. Զաղորդությունը, ի վերջո, խորհրդապաշտին արմատավորում են Աստծո կամքի մեջ և նրա բնությունը դարձնում աստվածանման: Սա եկեղեցում վերականգնված մարդկային բնության կատարելությունն է, որը Պողոս առաքյալին այնքան բացարձակ էր ներկայանում, որ այն կոչում է «Քրիստոսի մարմին»<sup>4</sup>: Ամեն դեպքում կենսաբանական էակ դարձած մարդու պարագայում չափազանց կարևոր է անձ-բնություն ներդաշնակ գոյակցության և ճշմարիտ հարաբերության՝ «դրախտային հիշողության» վերականգնումը:

Բնությունը անձի բովանդակությունն է, անձը՝ բնության կեցությունը<sup>5</sup>: Ինքնահաստատվելով որպես անհատ ու պարփակվելով բնության մեջ՝ անձը չի կարող իրեն կատարելապես դրսևորել և աղքատանում է (բացասական իմաստով), սակայն հրաժարվելով եսակենտրոն գոյությունից, իր «բովանդակությունից» կամ մասնավոր սեփականության գիտակցությունից՝ նա անսահման բացվում է և հարստանում այն ամենով, ինչը բոլորին է<sup>6</sup>: Այսպես անձը դառնում է կատարյալ Աստծո պատկեր և ձգտում նրա նմանությանը<sup>7</sup>:

Որպես Աստծո պատկեր և անձնավորական էություն, մարդն, ըստ Բարսեղ Մեծի, Աստծուց «պատվեր էր ստացել» աստվածանալու<sup>8</sup>: Ըստ Ներսես Լամբրոնացու՝ «Աստուած մեր ի սկզբանե աստուածացուցանել կամեցաւ զմարդն ի ձեռն պատուիրանին պահպանութեան. եւ իւրով մարմնանալովն եւ մկրտութեամբն աստուածացոյց զմարդն»<sup>9</sup>:

Բայց անձը, որ կոչված է լիակատար նմանության և շնորհով աստվածային էության հետ միավորմանը, շատ հաճախ տեղի տալով բնության հարկադրանքին՝ դառնում է մեղքի ծառա, իսկ այն, ինչ նրա մեջ Աստծու պատկերն է՝ «զլորվում է

<sup>1</sup> Տե՛ս նույն տեղում:

<sup>2</sup> Տե՛ս նույն տեղում: Քրիստոնեական ազատության մասին տե՛ս նաև Н. Бердяев, *Философия свободы*, Москва, 2007, с. 183-196:

<sup>3</sup> Տե՛ս նույն տեղում, էջ 201:

<sup>4</sup> Տե՛ս նույն տեղում, էջ 203:

<sup>5</sup> Տե՛ս նույն տեղում, էջ 206:

<sup>6</sup> Տե՛ս նույն տեղում: Այս առումով Նարեկացին մարդկության բոլոր մեղքերը իրենը համարելով՝ փորձում է «Ողբերգութեան մատեան»-ով ամենքին իր հետ մաքրագործել և Աստծուն ներկայացնել, տե՛ս Աշոտ Պետրոսեան. «Գրիգոր Նարեկացու անանձնական եսը, առարկայականը և ենթակայականը», «Էջմիածին», 2011, Գ (մարտ), էջ 10-23:

<sup>7</sup> Տե՛ս В. Лосский, *Եզվ. աշխ.*, էջ 206:

<sup>8</sup> Տե՛ս նույն տեղում:

<sup>9</sup> Նոր Բառգիրք Յայկազեան լեզուի, հ. Ա, Երևան, 1979, էջ 331:

անդունդ», թեև որպես անձ դեռ հնարավորություն ունի անառակ որդու պես վերստին «տունդարձի» ճանապարհն ընտրելու<sup>1</sup>:

Մտքի համար, որ Հոր նմանությունն ունի, Նարեկացին Աստուծոց խնդրում է հավատքի լուսավորություն. **«Չաւրացո՛ղ գշնորհիդ փայլումն ի գեղ դիմացս եւ ի կերպարան տեսութեան մտացս հողեղինիս»** Բան Խ (Գ-39):

Խոսքի կամ բանի համար, որ Որդու (Բանն Աստծո) նմանությունն է, աղոթարարը հայցում է շնորհալի արտաբերություն. **«Ամենակալդ ձեռաբ գխաւսականացս շարժողական գործի ըմբռնեալ՝**

**Ազդեա՛ գաւրութիւն ձայնի,**

**Որ տաս բնաւից ընտրութիւն բանի,**

**Չի դաստիարակեալ գպատշաճականն՝**

**Մի՛ յանդգնաբար խաւսելով իբր զնախնին, լբայց ի յուսոյդ**

**Եւ անբանութեան մատնեցայց՝ վանեալ յորսողէն»**

Բան ԼԵ – գ (52-57)

Իսկ հիշողության համար, որ Ս. Հոգու նմանողության «կերպարանք» ունի, ճգնավորն աղերսում է անմոռացություն և երախտագիտություն աստվածային շնորհների և բարերարության հանդեպ<sup>2</sup>. **«Կարկառեա՛ ի վերայ իմ զամենամերձ աջ քո եւ զաւրացո՛ղ զիս շնորհաւք զգթութեանդ Քոյ, փարատեա՛ ի մտաց իմոց զմեզ մթութեան մոռացութեան՝ ապաքինեալ ընդ նմին զխաւար մեղաց ամբռնալ ուշիւ իմաստիցս ի կենցաղոյս երկրէ ի բարձունս»:**

Բան ԼԴ - բ (24-27)

Մարդն իր հոգում, ըստ Նայյանի, Աստծո նմանության կնիքն ունի, քանի որ իմացական է, իշխան, բարի, անմարմին, անմահ, սակայն այլակերպվում է մեղքից<sup>3</sup>.

**«Կնիքս այլակերպեալ, նմանութիւնս փոխեալ...»:**

Բան ԿԵ (բ - 40)

Աստծո Որդու մարդեղութիւնն, ըստ Նարեկացու, արդեն ենթադրում էր պատկերի և նմանության վերականգնում.

**«Որ միայն մարմնացար վասն մեր ըստ մեզ,**

**Չի արասցես զմեզ վասն Քո ըստ Քեզ»:**

Բան ԺԹ-ա (10-11)

Ըստ Նայյանի, ինչպես Բանն Աստված ճշմարտապես մարմնանալով, ոչ թե մարմնի բնության փոխվեց, այլ մարմնի հետ միավորվեց, այդպես էլ մարդուն հաղորդակցելով իր փառքին, ոչ թե նրան այլափոխում է, այլ միայն հաղորդ է դարձնում իր փառքին՝ շնորհական որդեգրությամբ Հորը և իր եղբայրակցությանը<sup>4</sup>:

Մկրտության ժամանակ Ս. Հոգու շնորհով միանալով Քրիստոսին՝ մարդկային հոգին բացահայտում է իր պատկերանմանությունը, մինչև այն պահը, երբ մեղքի թծերից ապաշխարության մաքրագործմամբ վերստին լվացվի: Այս իրավիճակում

<sup>1</sup> Տե՛ս В. Лосский, նշվ. աշխ., էջ 207:

<sup>2</sup> Տե՛ս Նայեան, էջ 312:

<sup>3</sup> Տե՛ս Նույն տեղում, էջ 489:

<sup>4</sup> Տե՛ս Նույն տեղում:

Նարեկացին Աստծուց խնդրում է արմատական մաքրագործում, ինչը համեմատելի է նոր ծննդյան հետ.

**«Աստուածաւրէն հրաշակերտութեամբ, աղաչեմ, գթած, նորոգ հաստատեա՛, ԶՔոյին պատկերս մեղաւք հնացեալս Ի քրայս հալոցաց կայծակամբ բանիդ, Պաղատիմ առ Քեզ, վերստին ձուլե՛ա»**

Բան ԺԹ – ա (14-17)

Այսինքն, հայցում է, որ մեղքով հնացած Իր պատկեր հոգին հալոցքի քուրայում, սիրո բովի մեջ առնելով՝ Խոսքի փչման կայծակումով վերստին ձուլի եւ շնորհով մաքրի<sup>1</sup>: Սա արդէն աստվածհայեցության այնպիսի շնորհի բաղձանք է, որով իր հոգին կվերափոխվի.

**«Եւ արա՛ ինձ գամենակարծն գայթակղութիւն՝ մեծ վստահութիւն»**

Բան ԶԵ (բ- 37)

Ըստ Նայյանի՝ խնդրում է, որ իր խստասրտությունը լուծարի և Աստծուն «համարձակ նայելու» շնորհ տա<sup>2</sup>: Այսինքն՝ եթե Աստված իրենից հեռացնի կարծրասրտությունն ու մյուս մեղքերի գայթակղությունները, ապա իր սրտի «մաքուր հայելին» ճշմարիտ կերպով կարտացոլի Նրան, և Ս. Զոգու շնորհները կներտպվեն իր մեջ<sup>3</sup>: Այսուհանդերձ, մեղքերից ձերբագատված հոգին աստվածային սիրո պտուղներ տալով է միայն Աստծո պատկեր ու նմանություն «դառնում», քանզի լինելով հանդերձյալ աշխարհի տիրակալը, Աստծո Որդին այս աշխարհում իր հետնորդներին աստվածային սիրո հանդերձներ «բաշխեց», որպեսզի նրանք վերագտնեն աստվածանմանությունը.

**«Սկզբնահայր և նախաշաւիղ սիրոյն ընթացից»**

**«Առատութիւն աննախանձելի,**

**Որ Քոյին փառաւորութեամբ զանարգ նիւթ հողոյս ճոխացուցանես»**

Բան Դ – ք (20, 31-32)

Ըստ Նայյանի՝ Նարեկացին մատնանշում է, որ իր հողային մարմնի անարգ նյութը Աստված ոչ թե օտար բարիքներով է զարդարել, այլ Իր պատկեր հոգով<sup>4</sup>:

**Ваграм Лалаян, Проблема образа и подобия в “Книге Скорбных Песнопений” в толковании патриарха Акоба Наляна, -** Взамен выражения «образ и подобие» патриарх Акоб Налян считает правильным употреблять выражение «подобие образа». В случае изгнанного из рая человека, познание божественного «образоподобия» фактически началось после Пятидесятницы. Вообще, отцы Церкви видели «образ» в сфере деятельности человеческого душестроения – в частей мысли и в силах духа, а «подобие» – в добродетелях сердца. После Пятидесятницы, когда под воздействием божьих благодатей природа человека плодоносит качественными полетами

<sup>1</sup> Տե՛ս նույն տեղում:

<sup>2</sup> Տե՛ս նույն տեղում, էջ 644:

<sup>3</sup> Տե՛ս նույն տեղում:

<sup>4</sup> Տե՛ս նույն տեղում, էջ 656:

мистических добродетелей, согласно Григорию Нисскому «образоподобие» покрывается мистическим мраком, становясь неизречимым. Во всяком случае, если грехи совершаются по «свободой воле», то образ распятия Христа на вершине Голгофы перемещается в сферу природы человека и внутренний Христос (или христианин) распинается, Святой Дух удаляется, а Отец превращается в дьявола.

**Vahram Lalayan, The Issue of Image and Likeness in the “Book of Lamentation” According to Patriarch Hakob Nalyan, -** Instead of the expression ‘image and likeness’ Patriarch Hakob Nalyan considers correct to use the expression ‘likeness of the image’. In the case of the man driven from the Paradise, the knowledge of divine ‘image likeness’ began in fact after the Pentecost. In general, Church Fathers saw the ‘image’ in the sphere of human soul-building – in the forces of mind and spirit parts, while ‘likeness’ was seen in the heart virtues. After the Pentecost, when under the influence of divine graces the human nature begins to engender qualitative flights of mystical virtues, according to Gregory of Nyssa, the ‘image likeness’ is covered by mystical darkness, becoming unspeakable. In any case, if sins are done by ‘free will’, the image of Christ Crucifixion on the summit of Golgotha is displaced in the sphere of human nature and the inner Christ (or the Christian) is crucified, the Holy Spirit goes away, while the Father is transformed into devil.

**Վահրամ Լալայան - ԵՊՅ Աստվածաբանության ֆակուլտետի նախկին ասպիրանտ:**

